

大般涅槃經後分

籍

下

百二十六
寶二

48035
大般涅槃經後分卷下

唐南海波凌國沙門若那跋陀羅共沙門會寧譯

機感荼毗品第三

尔時拘尸城内一切男女悲泣流淚不知荼毗法則云何問阿難言如來涅槃如何法則可以荼毗尔時帝釋具陳上事而以答云如佛所說依輪王法尔時拘尸城内一切人民悲泣流淚揔入城中即作金棺七寶莊嚴即辦微妙無價白氎千張無數細軟妙毳羅綿辦無數微妙栴檀沉水百千万種和香香泥香水一切繒盖幡花香等如雲遍滿在於空中積高須弥旣辦已訖悲哀流淚將至佛所投



如來前悲咽不勝而申供養。爾時拘尸城內一切人民及諸大衆，重復悲哀哽咽流淚，復持無量香華幡蓋，一切供具如雲遍滿空中，互相執手，搥胸哽咽，涕泣盈目，哀震大千，投如來前，悲哀供養。爾時大衆悲哽，嗚咽深重，敬心各以細妙白氎障手，扶於如來入金棺中，注滿香油，棺門即閉。爾時拘尸城內一切士女，貪福善心，搥欲攝取如來功德，不令天人一切大衆同舉佛棺，即共詳議，遣四力士，壯大無雙，脫其所著瓔珞衣服，期心請舉如來聖棺，欲入城內，自申供養，盡其神力，都不能勝。爾時城內復遣八大力士，至聖棺所，脫

所著衣共擎佛棺皆盡神力都亦不得拘尸
城內復遣十六極大力士來至棺所脫所著
衣共舉佛棺亦不能勝尔時樓逗語力士言
縱使盡城內人男女大小舉如來棺欲入城
內亦不能得何況汝等而能勝耶汝等當請
大衆及諸天力助汝舉棺乃得入城樓逗所
言未訖尔時帝釋即持微妙大七寶蓋無數
香花幢幡音樂與諸天衆悲泣流淚垂在空
中供養聖棺至第六天及色界天皆如帝釋
供養聖棺尔時世尊大悲普覆令諸世間得
平等心得福無異於娑羅林即自舉棺昇虛
空中高一多羅樹拘尸城內一切人民及諸

世間人天大衆等共不得舉佛聖棺。爾時帝
釋及諸天衆即持七寶大盖四柱寶臺四面
莊嚴七寶瓔珞垂虛空中覆佛聖棺無數香
華幢幡瓔珞音樂微妙雜彩空中供養。至第
六天色界諸天倍前帝釋覆佛聖棺及所供
養。爾時拘尸城內一切人民見佛聖棺昇在
空中。槌膺大哭悲咽懊惱。爾時一切天人於
大聖尊寶棺前路遍散七寶真珠香華瓔珞
微妙雜彩繽紛如雲地及虛空悉皆遍滿。哀
泣流淚供養如來七寶靈棺。同聲唱言苦哉
苦哉。我等無福舉佛聖棺。遂不能得我等孤
露。何有善根。爾時世尊大聖金棺於娑羅林

虛空之中徐徐乘空從拘尸城西門而入。余時拘尸城內一切士女無數菩薩聲聞天人。大衆地及虛空悉皆遍滿。隨從如來大聖靈棺互相執手號聲大哭。搥胸叫喚。啞咽流淚。各持無數香華寶幢幡蓋地。及虛空悉皆遍滿。悲號哀歎。供養靈棺。其拘尸那城一面縱廣四十八由旬。爾時如來七寶金棺徐徐乘空從拘尸城東門而出。乘空右遶入城南門。漸漸空行從北門出。乘空左遶還從拘尸西門而入。如是展轉遶三匝已。乘空徐徐還入西門。乘空而行。從東門出。空行左遶入城北門。漸漸空行從南門出。乘空右遶還入西門。

如是展轉遶經四市如是左右遶拘尸城經
于七市介時七寶聖棺當入城時一切大眾
悲號哽咽各持無數微妙香木栴檀沉水一
切寶香文理香潔普熏世界復持無數寶幢
幡盖香華瓔珞至茶毗所悲哀供養介時四
天王及諸天衆悲泣流淚各持天上上妙旃
檀沉水表裏香潔芬馥周遍各五百根大如
車輪復持一切寶香寶幢寶盖妙華瓔珞至
茶毗所悲哀供養第二天各一千根第三天
各二千第四天各三千第五天各四千第六
天各五千及幡華至茶毗所悲哀供養介時
色界無色諸天唯有香華至茶毗所悲哀供

養尔時一切世間大衆各持微妙栴檀沉水
香華幡蓋至茶毗所悲哀供養尔時樓逗涕
泣盈目哀悼無極從諸天人乞妙香木栴檀
沉水足六千根文理香潔芬馥周遍至茶毗所
悲哀供養阿耨達池四面縱廣二百由旬出
四大河佛初成道恒河北岸一樹栴檀隨佛
而生大如車輪高七多羅樹香氣普熏供養
如來其香樹神與樹俱生常取此香供養於
佛佛入涅槃此一檀樹即隨佛滅皮葉俱落
神亦隨死有諸異神取此香樹送茶毗所悲
哀供養其地乃是三世諸佛茶毗之處大覺
世尊乘本願力亦於是處茶毗是處有諸往

古諸佛無量寶塔金剛不壞堅固之處。今時如來大聖寶棺漸漸空行。至荼毗所。徐徐乘空下安。七寶牀。其牀一切衆妙瓔珞。無價雜彩。以爲莊嚴。於是時頃。復經七日。今時拘尸城內一切士女。無數菩薩。聲聞。三十三天一切大衆。悲哀哽咽。持諸幡蓋。寶幢。香花。隨佛棺。經於七日。以佛神力。一切天人。無飢渴。想。一無思食。唯見哀泣。戀慕如來。既滿七日。大聖如來將欲出棺。今時拘尸城內一切士女。無數大衆。復大哀泣。震動世界。復持香華。無數幢蓋。微妙天樂。投佛棺前。哀咽供養。是時大衆。悲哽流淚。各以細微白氎。白障。其手。

深重敬心從寶棺中扶於如來紫磨黃金三
十二相八十種好堅固不壞金剛之身安庠
而出置七寶牀

尔時大衆重大悲哀聲震十方普佛世界復
持一切香華繒蓋音樂深心供養悶絕哽咽
投如來前是時大衆復更悲咽盈目流淚各
持無數香水香泥深重敬心從頭至足灌洗
如來三十二相八十種好無量福德智慧莊
嚴金剛堅固紫磨黃金不壞色身復洗寶棺
微妙清淨既灌洗已是時大衆復大號哭悲
哀哽咽燒微妙香散七寶華無數寶幢幡蓋
地及虛空悉皆遍滿悲哀號泣供養如來是

時大衆銜哀喑咽即持無數妙兜羅綿從階
至足纏裹如來金剛色身既纏身已復以上
妙無價白氎千張於兜羅上次第相重纏如
來身纏身已訖是時大衆重大悲哀號哭悶
絕復持香華幡蓋寶幢音樂哽咽供養是時
大衆哀泣流淚深重敬心各以白氎障手喑
咽悲哽共扶如來入寶棺中注滿香油棺門
尋閉尔時大衆重大悲哀聲震世界復持香
華幡蓋音樂號慟悲泣供養寶棺尔時一切
大衆所集微妙香木積高須弥芬馥香氣普
熏世界相重密次成大香樓四面七寶莊嚴
幢蓋幡花瓔珞雜綵遍空如雲以為莊嚴

天音樂悲哀供養是時天人大衆將欲舉棺
置香樓上復大悲哀搥膺大叫聲震大千復
持幡蓋香華音樂悲哀供養是時大衆哀悼
悲結深重敬心各以白氎障手共舉如來大
聖寶棺置於莊嚴妙香樓上復大號泣絕而
復蘇唱言苦哉苦哉何期孤露無有依恃悲
咽流淚復散香花寶幢幡蓋音樂雜綵一切
盡心悲哀供養爾時如來大聖寶棺既上微
妙寶香樓已將欲舉火荼毗如來是時大衆
復大號哭驚震大千復更深重悲哀供養大
聖寶棺及妙香樓爾時一切大衆哀泣盈目
各持七寶香炬大如車輪艷彩光明遍照世

界一時大哭茶毗香樓哀震大千一切世界
復以香華遍滿供養是時寶燭至香樓所自
然殄滅是時一切諸天復持無上七寶大燭
艷光普照悲哀流淚投香樓所皆悉殄滅尔
時一切海神持海中火七寶大燭無數光艷
投香樓所亦皆殄滅是時大眾長時號哭
切供養不知如來何緣未畢投火香樓
不然尔時世尊大悲普潤待迦葉眾來至
然時大迦葉與五百弟子在耆闍崛山去拘
尸城五十由旬身心寂然入于三昧於正受
中倏尔心驚舉身顫慄從定中出見諸山地
皆大震動即知如來已入涅槃告諸弟子我

佛大師入般涅槃時經七日已入棺中苦哉

苦哉應當疾往至如來所恐已茶毗不得見

佛三十二相八十種好真淨色身迦葉以敬

佛故不敢飛空往如來所即將弟子尋路疾

行悲哀速往正滿七日至拘尸城城東路首

迦葉遇見一婆羅門執一天華隨路而來迦

葉問言仁者何來答曰佛般涅槃我於茶毗

所來復問此是何華答言於茶毗所得此天

華迦葉就乞答言不得我期將歸擬示六親

家中供養迦葉就借著其頂上便即悶絕昏

迷躡地喑咽悲哽良久乃蘇即自惟忖於此

號泣不見如來八十種好紫磨色身何所追

益即與弟子疾共前進至拘尸城北門而入
於其城中入一僧坊見諸比丘叢聚一處語
迦葉言汝等遠來深勞苦耶安坐待食迦葉
荅言我之大師已入涅槃我有何情安此待
食諸比丘言汝師是誰荅言汝不知耶哀哉
痛苦大覺世尊今已涅槃比丘聞已各大歡
喜而作是言快哉快哉如來在世禁制我等
戒律嚴峻我等甚不堪忍不能依行今已涅
槃嚴峻禁戒已應放捨汝且待食有何急耶
佛神力故掩諸天耳及大迦葉諸弟子等皆
悉不聞惡比丘語唯有迦葉獨自聞之於是
迦葉即將弟子悲泣流淚疾往佛所是時迦

葉與諸弟子竊共思念我等如何得請供物
將至佛所供養如來迦葉復言我自生長在
此城中乞供養物亦應可得將諸弟子即就
城內次第告乞得妙白氎足滿千張復得無
數妙兜羅綿復得無量寶花香泥香水香油
寶幢幡蓋音樂絃歌瓔珞雜綵悉皆具足迦
葉與諸弟子悲哀流淚即持疾往出城西門
尔時迦葉即聞茶毗之所一切大眾悲咽號
哭共問帝釋已供養訖如何得火然此香樓
茶毗如來帝釋荅言人眾且待摩訶迦葉即
時而至釋言未訖一切大眾正於哀中即見
迦葉與諸弟子尋路悲來眾即停哀便為開

路迦葉前進遙見佛棺將諸弟子一時禮拜
號哭哽咽悶絕躡地昏濁亂心良久乃醒流
淚不勝漸漸前行問大衆言如何得開大聖
金棺大衆荅言佛入涅槃已經二七恐有損
壞如何得開迦葉荅言如來之身金剛堅固
常樂我淨不可沮壞德香芬馥若栴檀山作
是語已涕泗交流至佛棺所尔時如來大悲
平等爲迦葉故棺自然開白氎千張及瓊羅
綿皆即解散顯出三十二相八十種好真金
紫磨堅固色身迦葉與諸弟子見已悶絕躡
地喑咽哀哽良久乃蘇涕泣盈目與諸弟子
徐上香樓近佛棺邊復更喑咽號哭悲哽即

以所得香華幡蓋寶幢瓔珞音樂絃歌哀號
供養即以香泥香水灌洗如來金色之身燒
香散華哀泣供養灌洗已訖迦葉與諸弟子
持其所得妙瓔羅綿纏於如來紫磨色身次
以舊綿纏新綿上瓔羅綿纏已復以所得白
氎千張次第相重於瓔羅上纏如來身纏白
氎已復持舊氎著新氎上次第相纏摠纏已
訖棺門即閉七寶瓔珞一切莊嚴介時迦葉
復重悲哀與諸弟子右遶七帀盈目流淚長
跪合掌說偈哀歎
苦哉苦哉大聖尊
世尊滅度一何速
我今荼毒苦切心
大悲不能留待我

我於崛山禪定中
又觀見佛已涅槃
忽見閻雲遍世界
即知如來已涅槃
世尊大悲不普我
不蒙一言相教告
世尊我今大痛苦
我今為禮世尊頂
為復敬禮大聖手
為復敬禮如來齋
何苦不見佛涅槃
如來在世眾安樂

遍觀如來悉不見
倏尔心戰大震驚
復覩山地大震動
故我疾來已不見
令我不見佛涅槃
令我孤露何所依
情亂迷悶昏濁心
為復哀禮如來胷
為復悲禮如來腰
為復深心禮佛足
唯願示我敬禮處
今入涅槃皆大苦

哀哉哀哉深大苦

大悲示教所禮處

尔時迦葉哽咽悲哀說是偈已世尊大悲即
現二足千輻輪相出於棺外迴示迦葉從千
輻輪放千光明遍照十方一切世界尔時迦
葉與諸弟子見佛足已一時禮拜千輻輪相
即更悶絕昏迷躡地良久乃醒與諸弟子哀
號哽咽右遶七帀遶七帀已乃復禮佛足悲
哀哭泣聲震世界復更說偈哀歎佛足
如來究竟大悲心
平等慈光無二照
衆生有感無不應
示我二足千輻輪
我今深心歸命禮
千輻輪相二尊足
千輻輪中放千光
遍照十方普佛刹

我今歸依頭面禮
衆生遇光皆解脫
我復歸依頭面禮
世尊往昔無數劫
今證得此金剛體
悲哀誓首歸命禮
佛修衆德爲一切
四魔降已伏外道
誓首歸依頭面禮
佛爲一切真慈父
我復歸依頭面禮
我遇千輻允明足

千輻輪相長光照
三塗八難皆離苦
輪光普救諸惡趣
爲我等故修苦行
足下由放千光明
安於衆生千輻輪
修道樹曰降四魔
衆生因此得正見
衆生正見光明足
足光平等度衆生
平等離苦輪足光
悲喜交流哀切心

我復悲哀頭面禮
稽首歸依輪足光
敬禮天人歸依足
衆生未得脫苦門
我等輪迴未出離
哀哉哀哉諸衆生
悔過世尊大慈悲
哀哉今遇輪光相

有感千輻輪光相
乘究竟乘出三界
輪光普照三有苦
皆悉歸命輪光足
如何輪足見放捨
長夜莫覩輪足光
示敬千輻輪光足
自此當何復再覩

尔時迦葉與諸弟子說是偈已復重悶絕昏
迷躡地良久漸醒悲哀哽咽不能自裁大覺
世尊千輻輪相金剛雙足還自入棺封閉如
故尔時城內一切士女天人大衆見大迦葉

復重號哭搥膺大叫哀震大千無量世界各將所持悲哽供養。爾時拘尸城內有四力士瓔珞嚴身持七寶炬大如車輪艷光普照以焚香樓茶毗如來炬投香樓自然殄滅。迦葉告言大聖寶棺三界之火所不能燒何況汝力而能燒耶。城內復有八大力士更持七寶大炬光艷一切將投棺所亦皆殄滅。城內復有十六極大力士各持七寶大炬來投香樓亦悉殄滅。城內復有三十六極大力士各持七寶大炬來投亦皆殄滅。

爾時迦葉告諸力士一切大眾汝等當知縱使一切天人所有炬火不能荼毗如來寶棺。

汝等不須勞苦強欲爲作。爾時城內士女天
人大衆復重悲哀。各以所持號泣供養。一時
禮拜右遶七帀。悲號大哭。聲震三千。爾時如
來以大悲力。從心胷中。火踊棺外。漸漸茶毗
經于七日。焚妙香樓。尔乃方盡。爾時城內士
女天人。大衆於七日間。悲號哭泣。哀聲不斷。
各以所持供養。不歇。尔時四天王各作是念。
我以香水注火。令滅。急收舍利。天上供養。作
是念已。即持七寶金瓶。盛滿香水。復將須弥
四埵四大香潔。出甘乳樹。樹各千圍。高百由
旬。隨四天王同時而下。至茶毗所。樹流甘乳。
王寫香瓶。一時注火。注已。火勢轉高。都無滅。

也。尔時海神、莎伽羅龍王及江神、河神見火不滅，各作是念：我取香水注火，令滅。急收舍利，住處供養。作是念已，各持寶瓶，盛取無量香水。至茶毗所，一時注火。注已，火勢如故，都亦不滅。尔時樓逗語四天王及海神等，汝注香水，令火滅者，可不欲取舍利還本所居而供養耶？答言：實尔樓逗語四天王言：汝大貪心，汝居天上，舍利隨汝。若在天宮地居之人，如何得往而供養耶？復語海神、汝等住在大海、江河，如來舍利，汝收取者，地居之人如何得往而供養耶？尔時四天王即皆懺悔，悔已，各還天宮。尔時大海、江河神等皆亦懺悔，誠

如聖言悔已各還

大般涅槃經聖軀廓潤品第四

尔時帝釋持七寶瓶及供養具至茶毗所其
火一時自然滅盡帝釋即開如來寶棺欲請
佛牙樓逗即問汝何為耶荅言欲請佛牙還
天供養樓逗言莫輒自取可待大眾尔乃共
分釋言佛先與我一牙舍利是以我來火即
自滅帝釋說是語已即開寶棺於佛口中右
畔上頷取牙舍利即還天上起塔供養尔時
有二捷疾羅刹隱身隨帝釋眾皆不見盜取
一雙佛牙舍利尔時城內一切士女一切大
眾即一時來欲諍舍利樓逗告言大眾當知

且待安詳如佛所說應當如法共分供養
時城內士女一切大衆不聞樓逗所言乃各
執持矛槊弓箭刀劍冑索一切戰具各自莊
嚴欲取舍利爾時城內人衆即開佛棺兜羅
白氎宛然不燒大衆見已復大號哭流淚盈
目各將所持悲哀供養深心禮拜流淚長跪
同說偈讚
如來以大自在力
大悲本願處斯土
無量智慧神通力
能以一身為多身
神變普應咸皆見

於一切世得自在
周旋苦海度衆生
出沒生死無罣礙
多身一身為無量
無緣即現入涅槃

我等福盡無應緣
佛於娑羅寶棺中
大悲之力自輕舉
乘虛徐遶拘尸城
遶已自臨荼毗所
一切天人莫能測
金剛不壞力自在
自於心中出慈火
天人不能滅此火
帝釋來至火便滅
大火焚燒都不燃
火中儼然而不燒

故乃如來見放捨
大力士舉皆不起
昇空高一多羅樹
七日大聖遶七帀
不共神力所施為
佛於大般涅槃中
一切荼毗火不燒
焚燒七日示現盡
如來大悲示應力
妙兜羅綿纏佛身
白氎隨佛寶棺內
方知如來自在力

於法自在為法王
敬禮聖中無畏者
敬禮神變自在者
沒苦無能見救護

敬禮大悲三界尊
敬禮普覆大慈力
我等從今離世尊
哀哉哀哉大聖尊

方今長別何由見

今時大眾說是偈已重復悲泣各以所持盡

哀供養。爾時樓逗普為天人一切大眾與城
內人共於棺所徐舉白氎及兜羅綿其迦葉
等白氎千張火全不燒其城內人白氎千張
除外一雙餘者灰燼其兜羅綿宛然如故。爾
時樓逗取此白氎及兜羅綿細破分之與諸
大眾令起寶塔而供養之。樓逗復取氎灰亦

細分衆令起寶塔而供養之其餘燼灰無復
得分衆各自取起塔供養其城內人先已遣
匠造八金壇八師子座各以七寶而為莊嚴
其七寶壇各受一斛各置七寶師子座上其
八師子七寶之座座別各有三十二力士各
嚴七寶瓔珞雜綵纏身共舉七寶八師子座
座上復各有八姝女身嚴七寶瓔珞雜綵持
七寶壇座上復各有八姝女嚴身瓔珞執七
寶蓋覆復金壇上座上復各有八姝女身嚴瓔
珞持七寶劔衛七寶壇座上復各有八姝女
身嚴瓔珞執雉毛纛豎壇四面座別各有無
量人衆持妙音樂幢幡寶蓋香華瓔珞圍遶

供養座各復有無量人衆各持弓箭牟槊罽
索長鉤一切戰具而圍遶之從拘尸城前後
圍遶向荼毗所其八師子七寶之座出城去
後城內人衆即持無數香泥香水尋力士後
平治塗地作香泥路廣博嚴事向荼毗所其
路兩邊無數寶幢幡蓋香華真珠瓔珞衆妙
雜綵音樂絃歌嚴飾路邊儼然供養待大聖世
尊舍利而還其諸力士持八師子七寶之座
圍遶至荼毗所即大哀泣號哭哽咽聲震大
千各以所持深心供養

尔時世尊大悲力故碎金剛體成末舍利唯
留四牙不可沮壞尔時大衆既見舍利復重

悲哀以其所持流淚供養。爾時樓逗與城內人涕泣盈目，收取舍利著師子座七寶壘中。滿八金壘，舍利便盡。爾時一切天人大眾見佛舍利入金壘中，重更悲哀涕泣流淚。各將所持深心供養。爾時城內諸大力士及諸士女將欲持佛舍利金壘向拘尸城。爾時大眾復重悲哀，各將所持流淚供養。爾時城內諸大力士及圍遶眾并城內人悲咽流淚，舉八師子七寶之座隨香泥路迴向拘尸。爾時一切人天大眾復大悲哀聲振世界。各將所持隨從舍利哀號供養如來舍利。至城內已置四衢道中。爾時拘尸城人即嚴四兵無數軍。

衆身著甲鎧各執戰具遶拘尸城四面周匝
無數重兵儼然而住擬防外人來抄掠故雖
爲儀式無戰諍心復有五百大呪術師守城
四門爲遮難故復有無數寶幢幡蓋微妙莊
嚴大雉毛纛於城四維儼然供養爲標式故
爾時城內一切士女天人大衆復大悲哀各
將所持深心供養其舍利塿置師子座經于
七日於七日中一切大衆日夜悲號哀聲不
斷盡以所持深心供養其八師子七寶之座
各有五百大呪術師各共持之遮有天龍夜
叉神鬼來欺奪故經一日間爾時如來本生
眷屬迦毗羅國王諸釋種等佛神力故都不

覺知佛入涅槃佛涅槃後經三七日尔乃方
知時彼國王諸釋種等悲哭號泣即共疾來
至拘尸城見諸兵衆無數千人圍遶城外復
見寶幢幡盖列城四維映發國界復見大呪
術師守城四門王及釋等問呪師言佛涅槃
耶荅去佛涅槃來過四七日荼毗已竟將分
舍利王言我等是佛所生眷屬佛神力故令
我不知如來涅槃我今欲見如來舍利卿可
開路令我得入呪師兵衆聞是語已即聽入
城王及釋種得入城已見佛舍利在師子座
悲號哽咽涕淚交流右遶七帀遶七帀已投
淚而言我今欲請如來舍利一分將還供養

大衆荅曰。雖知汝是釋種眷屬。然佛世尊先
已有言。分布舍利。未見及汝。各有請主。汝如
何得汝可還耶。爾時王及釋種。不果所請。號
哭悲哀。悶絕躡地。良久乃醒。悲不自勝。語衆
人言。如來世尊。是我釋種。愍汝等故。於此涅
槃。汝等如何見有欺忽。乃不分我一分舍利。
作是語訖。各禮舍利。右遶七匝。悲泣流淚。心
生忿恨。慨悼還家。

爾時摩伽陀主阿闍世王。害父王已深。生悔
恨。身生惡瘡。既遇世尊。月愛光觸身。瘡漸愈。
來詣佛所。求哀懺悔。世尊大悲。即以甘露微
妙法藥。洗蕩身瘡。極重罪滅。即還本宮。都不

覺知如來涅槃於涅槃夜夢見月落日從地
出星宿雲雨繽紛而墮復有煙氣從地而出
見七彗星現於天上復夢天上有大火聚遍
空熾燃一時墮地夢已尋覺心大驚戰即召
諸臣具陳斯夢此何祥耶臣荅王言是佛涅
槃不祥之相佛滅度後三界衆生六道有識
煩惱橫起故現大火從天落地佛入滅度月
愛慈光慧雲普潤悉皆滅沒即夢月落星落
地者佛涅槃後八方律儀一切戒法衆生違反
不依佛教乃行邪法墮於地獄日出地者佛涅
槃後三塗惡道皆聚日光出現世間故感斯夢
王聞是語將諸臣從夜半即來至拘尸城見諸

無數四兵之衆防衛拘尸無量重數復見城門有呪術師防止外難王見是已即問呪師佛涅槃耶呪師荅言佛涅槃來已經四七當今大衆將分舍利王言佛入涅槃我都不知我於夜夢見不祥事以問諸臣方知如來入大涅槃我欲入城禮拜如來金剛舍利汝爲通路呪師聞已即聽前入王至城內四衢道中見師子座舍利金曇復覩大衆悲哀供養王與從衆一時禮拜悲泣流淚右遶七匝哀慘供養尔時王就大衆請求如來一分舍利還國供養大衆荅言何晚至耶佛已先說分布方法舍利皆已各有所請無有仁分仁可

還宮阿闍世王不果所請愁憂不樂即禮舍利惆悵而還

尔時毗離外道名王佛涅槃後經三七已尔乃方知即將臣從疾往拘尸既至拘尸即見無數四兵之衆防衛拘尸遶無量重尔時阿勒伽羅王佛涅槃後經三七已尔乃方知即將臣從疾往拘尸既至拘尸即見無數四兵之衆防衛拘尸遶無量重尔時毗耨隊不畏王佛入涅槃經三七已尔乃方知尔時遮羅迦羅國王佛入涅槃經三七已尔乃方知尔時師伽那王佛入涅槃經三七已尔乃方知尔時波肩羅外道名王佛入涅槃經三七已

尔乃方知即將臣從疾往拘尸既至拘尸即見無數四兵之衆防衛拘尸遶無量重復見城門有大呪師防止外難王問呪師佛涅槃耶荅言佛涅槃來已經四七當今大衆將分舍利王語呪師佛入涅槃我都不知故今晚至我欲入城禮拜供養如來舍利汝可開略呪師聞王即聽前入至四衢道見師子座上寶莊嚴安置舍利七寶金嫫復見大衆悲哀供養王將從衆一時禮拜悲哀流淚右遶七帀各賫所持悽慘供養王語衆言佛入涅槃我都不知一何苦哉不得見佛請衆與我一分舍利還國供養衆言汝何來晚佛已先說

分布法軌舍利皆已各有所請無有仁分仁
可還宮王及臣衆不果所請愁憂不樂即禮
舍利悲戀而還尔時諸菩薩及聲聞衆天人
龍鬼國王長者大臣人民一切大衆悲號涕
泣搥胸大哭五體投地作禮而去

太般涅槃經後分卷下

